



3148

Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption and Quality Control Office

Broj: 20-04-18-2062/21
Sarajevo, 25.10.2021. godine

SKUPŠTINA KANTONA SARAJEVO
KABINET PREDJEDAVALJUĆEG I ZAMJENIKA PREDJEDAVALJUĆEG
SKUPŠTINE KANTONA SARAJEVO
n/r Predsjedavajućeg Skupštine

Predmet: Odgovor na zastupničko pitanje zastupnice Jasmine Biščević Tokić, dostavlja se.-

Veza: Vaš akt broj: 01-04-3006-45/21 od 13.10.2021. godine

U skladu sa članom 5. Uredbe o osnivanju Ureda za borbu protiv korupcije i upravljanje kvalitetom Kantona Sarajevo ("Službene novine Kantona Sarajevo", broj: 40/20– Prečišćeni tekst), u prilogu Vam dostavljamo odgovor na zastupničko pitanje, vezano za Vaš akt broj i datum veze.

S poštovanjem,



ŠEF UREDA

Erduan Kafedžić

Prilog: kao u tekstu.

Dostaviti:

1. Naslovu;
2. a/a.



web: <https://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277
Fax: + 387 (0) 33 562-217
Sarajevo, Reisa Džemaludina Čauševića 1.



Molim Vas da mi Upravni odbor koji je imenovao vd direktora dostavi proceduru izbora vd direktora, 4 zadnja zapisnika sa sjednica UO i prethodnu saglasnost ministra zdravstva KS.“

S tim u vezi, informišemo Vas da je Ured u proteklom periodu vršio provjere po zaprimljenoj prijavi o navodnim nepravilnosti prilikom izbora i imenovanja vršioca dužnosti generalnog direktora Javne ustanove Apoteke Sarajevo, odnosno da lice koje je imenovano za vršioca dužnosti generalnog direktora ne ispunjava uvjete propisane zakonskim i podzakonskim propisima za imenovanje generalnog direktora.

Ured je dana 14.09.2021. godine, a sa ciljem provjere navoda iz predmetne prijave, Javnoj ustanovi Apoteke Sarajevo uputio Zahtjev za dostavu podataka i dokumentacije, vezano za navedeno imenovanje, odnosno da nam dostave fotokopiju rješenja/odluke o imenovanju trenutnog vršioca dužnosti generalnog direktora Javne ustanove Apoteke Sarajevo, kao i informaciju na koji način je Upravni odbor izvršio izbor, te da li je u momentu izbora/imenovanja priložena određena dokumentacija na osnovu koje su cijenjени uslovi koje mora ispunjavati vršilac dužnosti direktora.

Javna ustanova Apoteke Sarajevo je dostavila traženu dokumentaciju, iz koje je Ured konstatovao da je vršilac dužnosti generalnog direktora Javne ustanove Apoteke Sarajevo imenovan Odlukom V.D. Upravnog odbora JU Apoteke Sarajevo od dana 10.09.2021. godine, na osnovu člana 65. stav (1) alineja 2., člana 66. stav (4), člana 67. Zakona o zdravstvenoj zaštiti („Službene novine FBiH“, broj 46/10 i 75/13), te člana 28 i 45. Statuta JU Apoteke Sarajevo („Službene novine Kantona Sarajevo“, broj: 4/14, 20/16, 45/19), na period do šest mjeseci.

Član 65. stav (1) alineja 2. Zakona o zdravstvenoj zaštiti FBiH, propisuje da *djelokrug upravnog odbora zdravstvenih ustanova u svojini Federacije, jednog ili više kantona i Federacije zajedno, odnosno kantona ili opštine, podrazumijeva sljedeće: imenovanje i razrješavanje direktora odnosno v.d. direktora zdravstvene ustanova.*

U člana 66. stav (4) Zakona o zdravstvenoj zaštiti FBiH, propisano je da *direktora zdravstvene ustanove čiji je osnivač kanton, imenuje upravni odbor zdravstvene ustanove, uz prethodnu saglasnost kantonalnog ministra, dok je članom 67. istog Zakona navedeno da ako direktor nije imenovan u skladu sa zakonom, u roku od 60 dana od dana isteka konkursnog roka, odluku o postavljenju vršioca dužnosti direktora donosi upravni odbor zdravstvene ustanove. Vršilac dužnosti direktora postavlja se najduže na period do šest mjeseci. Vršilac dužnosti direktora ima sva prava i dužnosti direktora.*

U članu 28. Statuta JU Apoteke Sarajevo, navedeno je da Upravni odbor između ostalog, *imenuje i razrješava generalnog direktora, odnosno vršioca dužnosti generalnog direktora JUAS, te u članu 45. Statuta, ako direktor nije imenovan u skladu sa zakonom, u roku od 60 dana od dana isteka konkursnog roka, odluku o postavljenju vršioca dužnosti direktora donosi Upravni odbor JUAS. Vršilac dužnosti direktora postavlja se najduže na period do šest mjeseci. Vršilac dužnosti direktora ima sva prava i dužnosti direktora.*

Iz navedenog proizilazi da je navedeno **imenovanje izvršeno na osnovu odredbi Statuta JU Apoteke Sarajevo i Zakona o zdravstvenoj zaštiti FBiH, a ne na osnovu odredbi Uredbe sa zakonskom snagom o ustanovama** (“Službeni glasnik R BiH” broj: 6/92,8/93 i 13/94).

Na navedeno imenovanje izdata je Saglasnost na imenovanje vršioca dužnosti generalnog direktora JU Apoteke Sarajevo, od Ministarstva zdravstva Kantona Sarajevo broj: 10-33-33576/21 od 14.09.2021. godine, a u kojoj je navedeno da se informacija prima na znanje, te da **zakonodavac ne definiše obavezu izdavanja prethodne saglasnosti kantonalnog ministra kod imenovanja vršioca dužnosti direktora zdravstvene ustanove čiji je osnivač kanton.**

U prilogu akta dostavljenog od Javne ustanove Apoteke Sarajevo, dostavljena je dokumentacija na osnovu koje je Upravni odbor izvršio imenovanje vršioca dužnosti generalnog direktora Javne ustanove Apoteke Sarajevo, odnosno dokumentacija koju je imenovani vršilac dužnosti MR. Ph. Zenaida Hasić, priložila kao drugorangirani kandidat u postupku imenovanja generalnog direktora JU Apoteke Sarajevo tokom Javnog konkursa broj: 01-01-957-4/19 od 10.06.2019. godine. Uzimajući u obzir da je Upravni odbor kao organ upravljanja, prilikom izbora i imenovanja vršioca dužnosti generalnog direktora JU Apoteke Sarajevo, donio Odluku o izboru vršioca dužnosti na osnovu navedene dokumentacije (koja je iz 2019. godine), a između ostalog Izjave da nije angažirana na drugoj poziciji koja može uticati na eventualni sukob interesa od 18.06.2019. godine i Izjave da ne postoji druga zakonska zabrana za imenovanje na funkciju direktora od 18.06.2019. godine, Ured smatra da je bilo potrebno pribaviti novu dokumentaciju/Izjave, iz razloga jer je moglo doći do promjena u odnosi na stanje i podatke date u Izjavama i dostavljenoj dokumentaciji (dokumentacija starosti dvije godine), a koje bi mogle uticati na izbor i imenovanje na navedenu poziciju. Ne ulazeći u meritornu ocjenu ispunjavanja uslova za poziciju vršioca dužnosti generalnog direktora, **Ured smatra da Upravni odbor prilikom ovog izbora i imenovanja, nije mogao iz dostavljene dokumentacije, nesporno utvrditi da nije došlo do promjena u odnosu na stanje i dostavljene podatke iz 2019. godine, a što predstavlja koruptivni rizik.** Opšti i posebni uslovi za mjesto generalnog direktora utvrđeni su kako bi kandidati mogli uspješno organizovati i rukovoditi radom ustanove, te kako bi ustanova efikasno i zakonito obavljala djelatnost radi koje je osnovana. Paušalno ocjenjivanje i izbor vršioca dužnosti generalnog direktora može dovesti do povrede prava na jednako postupanje drugih kandidata.

O uočenom koruptivnom riziku, Ured je sačinio Informaciju broj: 20-04-18-1977/21 od 11.10.2021. godine koju je dostavio Ministarstvu zdravstva Kantona Sarajevo, radi informisanja i daljeg razmatranja, te radi prevencije eventualnih budućih nepravilnosti, obzirom da je Upravni odbor navedene javne ustanove, koji je donio Odluku o imenovanju vršioca dužnosti generalnog direktora, za svoj uspješan i zakonit rad odgovoran Vladi Kantona Sarajevo, odnosno Ministarstvu zdravstva Kantona Sarajevo.

S poštovanjem,



ŠEFA UREDA

Erduan Kafedžić

Dostaviti:

1. Naslovu;
2. a/a